

MWA CHIPULIKANO, MOSES



Nakuwonga iwe, M'bale Neville. Mlenji uweme, wabale. Ntchiweme kuwa kuno muhanyauno mu kachisi. Ndipo ine nangughanaghana panyake usange ine ningafumba M'bale Neville kuti wayowoye mlenji uwu, ine mbwenu ndizakayezge usiku uwu. Ndipo pamanyuma ine naghanaghananga ku chisambizgo cha Sande sukulu cha mlenji uwu. Ndipo kasi a . . . Fumu para yazomerezga, ise tiyezgenge kuti—kuti tiwe na chisambizgo ichi cha Sande sukulu.

² Sono, ndi masabata ghaŵiri sono, pafupifupi, kufumira apo ine nkhafikira. Ndipo ndiri kuwa wa mantha chomene umo imwe mukapulikira, kuti, ku malo ghauteŵeti, ine nkhatondeka kurutirira munthazi. Ndipo pamanyuma ine nkhayenera kuti ndifike kuti ndipumureko pachoko waka. Ndipo ine nkhatora pafupifupi mazuwa ghatatu kusika ku Wolf Creek Dam, kusika mu Kentucky, uko ine nkhababikira. Ine nkhanghanaghana, “O, ine nkhopulika waka makora sono. Ine ndiri makora.”

³ Ndipo ine nkhafika kunyumba, ndipo chinthu chakudanga chichoko nkhamanizga icho chikanditangwaniska ine nkhati ndafika ukaŵa mtundu unyake wa chakuchitika cha msonkho wa boma pa ndalama izo nkhusanga. Ine nkharuta ulendo wose kufika nkhanira pasi. Ntheura ine nkhamanya ichi chinditorerenge ine ghanandi kujumpha sabata panji ziŵiri kuti ndipumure.

⁴ Ndipo utumiki wane uli pafupi kuti usinthe sono. Ndipo ine ndirije mundandanda wa maungano. Ndipo ndicho chifukwa ine nkhaŵa ngati ndasunthira kumphepete, ndipo nkhanghanaghana, ndipo sono pa masabata ghakwiza ghachoko, ine ndizamkupumura waka, kupumura kwakukwanira, na kulindizga kwa Fumu.

⁵ Ndipo ŵanthu ŵanandi ŵa imwe muno, awo ndi ŵanyengo zakale, awo ŵali kuwa na ise nyengo yitali, mukukumbukira chira icho Fumu yiri kuyowoya kwa ise, Iyo nyengo zose wali kuchita chira icho Iyo wakati Iyo wazamkuchita.

⁶ Kumbukirani, apo mu kuyambirira nkhanira, mu tchalitchi muno, mlenji apo ise tikaŵika libwe la kachisi, umo kuti Iyo . . . Ichi chiri kulembeka, ndipo chiri mu libwe, pa peji lakudanga la Baibolo lane. Mlenji ula, mboniwoni yikuru yira, yikati, “Uyu ndi kachisi wako chara.”

⁷ Ine nkhati, “Kasi uyu walinkhu, Fumu?” Ndipo Iyo wakandikhazika ine kusi kwa mtambo. Ndipo Lizgu likiza. Ndipo ine nkhalawiska ndipo nkhawona mphinjika zitatatu zira, ngati, makuni na vipaso vya igho, vinyake ntheura. Imwe

mukumanya icho mboniwoni yiri. Ichi chiri kulembeka, pa virimika.

⁸ Pakunyamura, zuŵa linyake, buku lakale kumtunda kula, kuŵazganga vinyake vya vinthu ivyo Fumu yikayowoya, yikaphalira nkhanira; vikaŵa kuti vyakwaniriskika kale. Za chinthu ichi cha uchigewenga wa ŵanichi, naumo kuti nkondo yizamkwizira, na vinthu vyose vira viri kukwaniriskika.

⁹ Vinthu waka viŵiri viri kukhalako, mu chimoza cha mauchimi ghakuru ghara. Ndiko kuti, cha galimoto kuti ziŵenge pa msewu zakulamulirika na nkhangono yinyake, kuwonekanga ngati sumbi, kweni imwe nthā mukuchita kutchika iyi. Iyi yikujilamulira iyoyekha. Ndipo pamanyuma kuzamkuŵa mwanakazi mukuru wazamkutumphuka, chifukwa America ndi charu cha mwanakazi. Ndipo ichi chizamku... Mwanakazi mukuru wazamkutumphuka, ndipo wazamkuŵa Prezidenti panji chinyake ngati icho, mu charu. Ndipo pamanyuma kuzamkwiza kuparanyika kukuru. Charu chose chizamkuperanyika.

¹⁰ Ndipo, icho, ine nkhusachizga... Sono ichi nthā ndi Fumu yikuyowoya ichi. (Chinyake, za mwanakazi, ichi ndi, ndi Fumu.) Kweni ine nkhasachizga, mu 1933, kuti charu chizamkukumanizgika na kuparanyika kukuru pambere yindafike '77.

¹¹ Ntheura, ine nthā nkhamanya panyengo yira kuti iwo ŵakaŵa na chinyake icho chikamanya kuparanyika ichi ngati ndi icho iwo ŵali nacho sono, kweni ine nkhwona charu mu kuparanyika kukuru, vigodo waka vya makuni na vinthu ngati ivyo, vikakhalako.

¹² Ntheura, ichi chiri pa ulendo wake. Ndipo usange vinthu vinyake vyose ivi viri kukwaniriskika ngati ndiumo Iyo wakayowoyera, icho chizamkuŵa ntheura nachoso; ndipo ngati ndiumo Iyo wakayowoyera waka mu Lemba umu, icho Iyo wakuyowoya. Usange Khristu wakiza nyengo yakudanga, Iyo wazamkwiza nyengo yachiŵiri. Ndipo vinthu vyose Iyo wakayowoya vizamkukwaniriskika. Ndipo mwakwenerera kuchiwonanga ichi, na kumanyanga kuti ise... nambala yithu yiri waka pafupi kuti yichemeke, ngati mtundu, kumanyanga kuti Mpingo uli pafupi kuti utore Mkwatulo Wake. Ichi chikusuntha mtima wa mupharazgi, panji munthu waka munyake waliyose, kumanya kuti ise tiri mu zuŵa ili na nyengo iyo ise tikukhalamo. Ndi nyengo yikuru chomene iyo munthu munyake waliyose wali kukhalamo pa charu chapasi, ndi sono nthana; ndiko kuti, ku Mpingo. Ntheura, ine nkhwughakhumba chomene malurombo ghinu.

¹³ Ndipo pamanyuma ine nkhwona mu kachisi, ndipo ine nkhwona kuti iwo ŵakaŵa... ŵakati ŵaŵenge na visankhoso

vinyake na chirichose, mu tchalitchi, vya wakuruwakuru wanyake na vinyake ntheura.

¹⁴ Ndipo—ndipo mpingo ukasowekanga ungoro uchoko, kusunkhunysika kuchoko. Ndipo imwe nyengo zose mwakhala wachisungusungu kwa ine, ndipo mukanditumbika ine. Ndipo kwa ine kuwa kuno, chikuwoneka nkha wa thumbiko kwa imwe. Ndipo ine ndiri na chisimikizgo, kuwa na imwe, lakhala thumbiko kwa ine. Ndipo imwe nyengo zose mwakhala mukuzomerezga icho ine nkhayowoya kuti ukawa Unenesko, umo ine nkchawonera ichi mwa Chiuta. Ndipo ine—ine nkhuwonga icho.

¹⁵ Ntheura pamanyuma, ine nkchayambapo, ndipo pamanyuma ine nkchayenera kuti ndifufuze, na kupanga mpingo withu unyoroskeke, mu wakuruwakuru wake, ndipo pamanyuma ku visola na vinyake ntheura. Ndipo ntheura—ntheura, ine nkchaghanaghana, pamanyuma pa icho, ine nkchafumapo ndipo nkha wa na kupumura kuchoko pambere ine nkha wa nindawererekoso ku malo ghaute weti.

¹⁶ Chisungirireni ichi pakati pa mwa wene. Sono, ichi ntcha wakuwara chara. Ichi ntcha kachisi uyu. Ise tikukhumba ungoro na kachisi uyu, mwakuti chintu chirichose, na kunangiskika kulikose, vintu vyose ivyo vyakhala vikuchitika, ndipo panji kakhwaskikiro kuchoko kufuma kwa yumoza na munyake; wara, ine nditorenge waliyose yumozayumoza wa iwo na kuwatora iwo nkhanira maso-na-maso. Ntheura usange imwe nthu mukukhumba kuti mufumbike za ichi, ntchaweme imwe mufumemo mu charu; chifukwa imwe mufumbikenge maso-na-maso pa chiduswa chirichose cha ichi, ngati ndumo ise tikachitiranga kuno pa kachisi. Ndipo vyose kuti viskesketeke, chifukwa ise ndise wabale na walongosi awo wali kuphanya ubale, Thupi la Khristu, pa thebulo la vitumbiko. Ndipo ntchinyake chara kweni devulu uyo wakamanya kupanga chirichose icho chikamanya kuwa chakwanangika, ndipo wakamanya kupangiska kakhwaskikiro, panji kuparanya, panji chinyake chirichose ngati icho. Ndipo ine nkchutora M'bale withu Neville, ndipo ise tiyendenge kufuma malo na malo, na kuwezgera wanthu ku wanthu, pamoza, mpaka kachisi wakale wawererepo, wakukhazikiskika kamoza, pa marundi ghake, kuti tiyendenge pamoza mu Ufumu wa Chiuta. Sono, ichi ndi, chifukwa icho ine ndayowoyera ichi, ndi chifukwa chakuti ichi chiri na gulu lithu lichoko kuno mlenji uyu.

¹⁷ Ndipo sono ine ndi wenge na kupumura kunyake, na kwizaso nkhanira mwalu wiro umo ine ningamanya kuchitira. Pamanyuma ine nkchukhazga kuti ndinyamukengeso kuruta ku malo ghaute weti. Ndipo nyengo iyi, para Fumu yazomerezga, ine nkchukhumba kuti nditore kwali nzichoko uli ise tiri kuwunjika mu banki, na zinyake ntheura, za ndamwene, kuruta ku a . . . ndondomeko iyi ya kukapharazga kuwara. Ndipo ndijigulire

ine hema linyake liphya, na vyakwimbira vinyake viphya, na kuyambapo wa kumalo ghauteŵeti. Ntha kufuma mpingo kuruta ku mpingo, kweni kurutanga mu maungano ghithu taŵene.

¹⁸ Sono, ntha kuyuyuranga ku ŵabale awo ŵandichema ine, cheneicho ntchiweme. Kweni chikuru chomene cha ichi, imwe mukusanga kuti maungano ghakuru agha, iwo ŵakuyowoya kuti iwe wamkuŵa kula, ndipo pamanyuma ŵabwezi ŵako wose ŵakwiza, ndipo ntheura pakuŵa kupempheska kukuru kwa ndalama. Chikuŵakavuska waka ŵanthu ŵara. Ine ndayamba waka kuchifufuza icho, imwe wonani. Ntheura icho ndi—icho ntchiweme chara. Ise tikukhumba kuŵa na malo kuo ise tingaŵawunganiska iwo. Imwe ntha mukwenera kuti mupereke ndalama zinu. Zanginge waka, mwaŵene, ndipo—ndipo tumikirani Fumu. Mukuwona? Ndipo ntheura sono . . .

¹⁹ Ndipo utumiki wane watora kusintha sono nthena. Imwe mukukumbukira para ine nkhachitanga kukora woko la munthu, na kuyimirira waka apo, ndipo Fumu yikandiphiliranga ine icho likaŵa suzgo lawo. Wakati, “Pamanyuma ichi chikakwaniriskikanga, iwe ukumanya chisisi cha mtima wa ŵanthu.” Waliyose wa imwe wakumanya icho chiri kuchitika nkhanira ndendende umo Ichi chikayowoyera. Sono iyi ndi stepu yinyake, yeneiyo yiri kuchimika na kuphalirika nkhanira, yeneiyo yizamkuŵa yapachanya chomene kuruska yinyake ya Ichi, imwe wonani. Ndipo ichi chiripo sono mu kusintha.

²⁰ Ndipo ndicho chifukwa Satana wanditchaya ine na msonkho pa ndalama izo nkhusanga, kuyezganga kundiphilira ine, boma, kuti ine ndiri na ngongole ya msonkho pa ndalama izo nkhusanga pa kopala lirilose ine nkhatorerera, ngati mupharazgi, kufumira virimika twente-seveni vyajumphu, nkhanjira mu utumiki. Ichi chiri ntheura chara, chifukwa ichi chikayendera mu tchalitchi kuno.

²¹ Ine ndine thrastii wa mpingo uwu. Uwo mbunenesko nadi. Ichi chiri mu mabuku umu. Ntheura, pamanyuma, usange ine ndine thrastii-msungichuma wa mpingo uwu, ipo kulije chirichose mu charu . . . Boma lirije chakuchita na ichi. Iwo ntha ŵakufumba mpingo. Iwo ŵakufumba ine pakuŵa msungichuma wa mpingo. Ndipo mathrastii ghali kusayinira pepala ilo liri mu banki uko, kuti ndalama zane zose . . . M'malo mwakuŵa na thumba la inendekha, ine nkhayendeskerera ichi mu mpingo wane kuno, chifukwa ichi kwambura kughanaghanira ndi thumba, munthowa yiriyose.

²² Ndipo kuti ndichite icho, chikundivwira ine kuti ndileke kuchimbira pa mpingo na kuwulekanga uwu, na kurutiriranga kuruta na kulekangako kalikose chara kuno. Para ine nkhati ndaŵalayizga ŵanthu kuti ine ndizamkuwerera ku mpingo,

nyengo na nyengo, na kuwāvawira iwo. Ndicho chifukwa ine nkhasungirira ichi ngati ntheura, chifukwa ine nkhopanga phangano kwa imwe mwaŵanthu. Ndicho chifukwa ine nkhuKhala na ichi munthowa iyo, m'malo mwakuŵa na lane pandekha. Ntheura, usange iwe ukuchita icho, ichi chikupanga bungwe. Ndipo ine ndiri wakutinkha chomene bungwe. Ntheura ine—ine ndisungirirenge ichi umo ichi chiliri, mu mawoko gha Chiuta, mwakuti ise tingamanya kuruta munthazi ku Ufumu wa Chiuta.

²³ Sono, mlenji uwu, ise tikukhumba kuti tisambire Mazgu ghakutumbikika ghakale agha, na kugomezga.

²⁴ Sono, ine nkhuKhumba kuti ndiyowoye, nachoso... Ine nkhuwona M'bale Egan na ŵanandi, ŵanyake ŵa mathrastii wakhala muno, pamanyuma pakuti ise tikaŵa na ungoro withu wa mathrastii, usiku unyake; ndi unenesko, ine nkhuwoywa pagulu panthazi pa mpingo, kuti waliyose yumozayumoza wa imwe mose nthā ndi a—thrastii wakusankhika. Imwe ndimwe mathrastii ghakuchita kuvotereka, ndipo zina linu liri pa mabuku. Viri makora.

²⁵ Ndipo sono iwo ŵawenge na visankho vinyake vya—vya madikoni, na ŵanyake ntheura. Ndipo M'bale Neville ndi, wachemenge awo para tamara waka chisopo ichi, viri makora, na vya msungichuma na ŵanyake ntheura, apo ise tikukhazikiska mpingo. Torani ichi, vyose vyakukhumbikwira, vinozgeke, pamanyuma ise tingamanya kuŵa na chisisimuso apo ichi chikwiza.

²⁶ Sono, pambere ise tindawerere ku mapeji apa, ku chisambizgo chithu cha Sande sukulu, ku Mazgu ghakuru agha gha Chiuta wamoyo, tiyeni ise tisindamiske waka mitu yithu, nyengo zichoko, apo ise tikuyowoywa kwa Chata wa Buku ili. Ndipo sono sezgerani kumphepete ghanoghano lirilose, chirichose icho ntchakusuka, kumutondeskanani imwe kuŵa na thumbiko.

Tiyeni tirombe.

²⁷ Mutuŵa chomene ndipo Chiuta murunji, mu Kuŵapo Kwinu kwauchindami kwakutumbikika ise tikwiza sono, kuperekanga kwa Imwe maumoyo ghithu, na ghithu—mauzimu ghithu, na mathupi ghithu, na mauteŵeti ghithu, na maluso ghithu. Ndipo vyose ivyo ise tiri navyo, ise tikupereka ivi kwa Imwe. Ndipo apo Imwe mukulaŵiska pa ise, Fumu, usange pali kwananga kulikose kwapakweru na kwambura kurapa, ise tikumurombani Imwe, O Fumu Chiuta, kuti Imwe muphakepo Ndopa za Mwana Winu, Yesu, pa malo ghantheura. Pakuti, kupanikizganga kuti ise mwa taŵene ndise ŵakupereŵera, ndipo kula ndi chambura machitiko kwa ise kuti tingaŵa ŵakujivwira taŵene. Kweni ise tikugomezga kwathunthu pa Ndopa Zake zakuzirwa, na uchizi Wake kuti ukhale pa mbiri yithu, mwakuti ise ŵakwananga

ŵambura kwenerera tingamanya kwiza mwachikanga zuŵa linyake mu Kuŵapo Kwinu, kuŵika panthazi pithu Ndopa izi za Fumu Yesu. Cheneicho, Imwe, mu nyengo zakale, muli kupanikizga ichi kuŵa Ndopa za Winu yekha pera Mwana wakubabika, ndipo wali kupanga phangano, kuti, “Kwizira mwa Iyo, usange ise tarapa zakwananga zithu, ise tizamkurunjiskika na uchizi Wake.”

²⁸ Ndipo sono ise tikuromba, Fumu, kuti Imwe mutigowokere ise ku kunangiska kulikose, kwananga kulikose kwa kubudiska panji kuzerezga, kuswa dango, kuti usange ghanoghano lirilose liheni liri kulasa uzima withu, na mivi yamoto ya devulu, kuti Imwe mungamanya kumuchimbizga murwani muheni uyu wa Imwe, na wa ŵanthu Ŵinu.

²⁹ Ndipo ise tikuromba kuti Imwe mutume Mzimu Mutuŵa kuti watore Mazgu pa nyengo iyi, apo ise tikujipereka taŵene ngati viteŵetero, ivyo Imwe mungamanya kuyowoyera mwa ise, na kupulikira mwa ise, Mazgu Ghinu. Ndipo tikuromba kuti mu kuwezgera ise tipokere Ichi ngati chafuma kwa Imwe, na kufumapo pa malo agha, muhanyauno, kupulikanga kuti ise tasinthikira ku mlimo wa Khristu; mwakuti ise tingaŵa ŵakukwanira makora ku uteŵeti wa usiku uwu na machero, chifukwa cha kutiyendera kwa Mzimu Mutuŵa.

³⁰ Tumbikani ŵabale ŵithu kulikose, mipingo charu chose, awo ŵakukoreska ku Mazgu gha Umoyo mu nyengo iyi yiheni. Ise tikuwona kuti ntha yakhalako nyengo yakukwanira kuti titeŵete, pakuti usiku ukwiza pachokopachoko. Mabingu gha nkhondo ghakuyenjamaso. Uheni uli pafupi, ndipo ise tikuromba kuti Imwe mutizomerezgenge ise titeŵete kuruska umo tikachitiranga kale. Pumuzgani mathupi ghithu ghakuvuka, Fumu, ndipo mutitumeso ise mu nkhondo. Pakuti ise tikuromba ichi mu Zina la Fumu Yesu, ndipo pa chifukwa Chake ise tikuromba. Amen.

³¹ Apo ise tikujura, mlenji uwu, Baibolo, ku a—chipatulo 11 cha Buku la Ŵahebere.

³² Pa Chitatu usiku ise tikayowoyanga pa chipatulo 7 cha Buku la Ŵahebere, za “Melekizedeki, pakuŵa wambura dada, na wambura mama, wambura chiyambi cha mazuŵa, panji umaliro wa umoyo.”

³³ Ndipo ine nangughanaghana, panyake, mlenji uwu, ichi chiŵenge chiweme kuti tijureso Buku ili lakuziziswa, pakuŵa kuti ise tiri na pakuyambira ku icho ise tikukhumba kuti tiyowoye, mu kuŵazga kwakudanga. Ndipo kudukuranga chipatulo 10, na chipatulo 9, cheneicho ndi marango gha kaperekero ka sembe, ise tingamanya kwiza mu chigaŵa cha “chipulikano.” Ndipo umu mu Buku la Ŵahebere, chipatulo 11, ndipo kuyambiranga na vesi la 23, ise tikuŵazga Ichi ngati nthaura:

Mwa chipulikano Moses, para iyo wakati wababika, wakabisika myezi yitatu na wapapi wake, chifukwa iwo wakawona kuti iyo wakaŵa mwana wakwenerera; ndipo iwo ntha wakaŵa na mantha na languro la fumu.

Mwa chipulikano Moses, para iyo wakati wakura mu virimika, wakakana kuchemeka mwana wa mwana mwanakazi wa Faro;

Kusankha mphanyiko kusuzgika na vyakuwinya pamoza na wanthu wa Chiuta, kuruska kudemwera na vyakusekereska vya kwananga pa kanyengo;

Kuzirwiskanga nthombozgo za Khristu kuŵa mausambazi ghakuru kuruska vyuma vya Egipto: . . . ndipo chikaŵa na malipiro ku njombe.

Mwa chipulikano iyo wakaleka Egipto, ntha kuwopanga ukali wa fumu: pakuti iyo wakazizipizga, pa kumuwonanga iyo mweneuyo ndi wambura kuwoneka.

³⁴ Ine nkhuKhumba kuti nditore chisambizgo, mlenji uwu, “kusankha mwa chipulikano.” Ndipo ine nkhuKhumba kuti nditore kuŵa mutu, mazgu ghatatu ghakudanga gha chipatulo 23, “*Mwa Chipulikano, Moses.*” Ndipo, “kusankha mwa chipulikano,” pafupifupi chirichose ise tikuchita, ise tikwenera kuti tisankhe mwa chipulikano. Ndipo vyose ivyo ise tikusanga ivyo Moses wakachita, icho ntchakwenerera kuwerezgapo, vikaŵa mwa chipulikano; ntha mwa kulaŵiska, kweni mwa chipulikano.

³⁵ Ndipo chifukwa icho ine ndasankhira ichi mlenji uwu, ku mpingo mu kaŵiro aka, chaŵa chakuti mu zithu. . . nanga ndi sukulu zithu, na kulikose, ise tiri kuŵa na vinandi chomene vya kusambizga mwasayansi. Chifukwa cha ichi, ise tiri kuŵaguzira wanthu kutali na chipulikano. Sono, chipulikano ntha chikusimikizgika mwa sayansi. Chipulikano ndi icho sayansi ntha yikuchiwona. Ndipo ise. . . Usange ise titayenge chipulikano chikuru ichi, nthaura ise tikuŵa mu mdima ukuru, ichi. . . paliye kanthu kwali ise tiri kusambira makora uli, umo ise tingarongosorera Mazgu gha Chiuta, kuti ghayane na nthowa yithu ya kagomezgero.

³⁶ Kulije nthowa yiriyose ya kumukondwereskera Chiuta, kweni mwa chipulikano pera. Lemba pakweru likuyowoya ichi munthowa iyo, ndipo ndi mwa chipulikano. “Ndipo kwambura chipulikano,” likuti Lemba, “ntchambura machitiko kumukondwereska Chiuta.”

³⁷ Nthaura, usange chipulikano chikususkana na sayansi, ndipo sayansi yikususkana na chipulikano, icho chikuviwika ivi pa—pa kusendemuka pa chimoza na chinyake, nthaura ise tikwenera kuti tipange chisankho umo Moses wakachitira. Mwa chipulikano ise tikugomezga!

³⁸ Sono, usange ise tataya chipulikano, ntheura ise ntha tizankusanga lurombo likuzgoreka na Chiuta. “Pakuti iyo uyo wakwiza kwa Chiuta wakwenera chakudanga kugomezga kuti Iyo waliko, ndipo ndi wakupereka njombe kwa iwo weneawo wakumupenja Iyo mwakufwirirapo.” Ntheura, usange ise tataya chipulikano, malurombo githu ghakuruta pawaka; ise tikufika kulikose chara.

³⁹ Ntheura ndi chose icho ise tingamanya kughanaghana, mlenji uwu, ndi chakuti tikoreske ku chipulikano. Ntheura, usange ise tataya chipulikano, vigomezgo vithu vyose vyamara. Ndipo usange ise tataya chipulikano, chose cheneko chazimu withu chikumara. Pakuti, imwe ntha mungaŵa nacho chipulikano mu vinthu ivyo imwe mukuviwona, pakuti vinthu ivyo imwe mukuviwona ndi vyakumara.

⁴⁰ Usange ise tikulaŵiska kwa munthu munyake mukuru, mupharazgi mukuru, panji gulu likuru, iwo wose wazamkumara, zuŵa linyake. Ndipo usange ise tikulaŵiska ku charu chinyake chikuru, panji chida chinyake chikuru, ivi vyose vizamkumara, zuŵa linyake. Ndipo ntheura ise tikwenera kukhalira umoyo chipulikano, wa vinthu ivyo sayansi ntha yikuviwona. Ndi mwa chipulikano kuti ise tikugomezga.

⁴¹ Sono, ise tikutaya uchindami withu usange ise tataya chipulikano. Sono, usange ise tafumako ku chipulikano, ntheura ise tikutora mpingo mu chigaŵa cha zero za m’mutu.

⁴² Ndipo nyengo zinandi, ichi chiri kughanaghanirika, pakati pa ŵanthu, kuti pakuti gulu likaŵa likuru, ndipo iwo ŵakaŵa na mipingo yikuruyikuru, vigongwe vikuruvikuru vya tchalitchi, na chikuru, ŵanandi chomene ŵakuvwara makora na ŵanthu ŵakupulikira, na ndalama zinandi chomene, kuti iwo ŵangamanya kugura chinthu chantheura, ise, nyengo zinandi, tikaghanaghana icho chikaŵa chakukhuŵirizga, kuti mpingo unyake uwu ukwenera kuŵa wakukhuŵirizgika. Panji, ise nyengo zinandi tiri kuyowoya za ŵapharazgi ŵakupambanapambana awo ŵakuruta kumalo ghauteŵeti ndipo ŵakuŵa na kuwungana kukuru kwa ŵanthu, ndipo ise tikughanaghana, nyengo zinyake, kuti ivi ndi vimanyikwiro vya ukhuŵirizgi. Kweni chose icho pamoza ndi unenesko chara. Icho ndi ukhuŵirizgi wa umunthu.

⁴³ Kweni ukhuŵirizgi weneko ukwiza pa kuchitanga khumbo la Chiuta. Mukuwona? Kwali ndi yumoza, panji ŵachoko waka. Kwali ndi mpingo ukuru, panji mpingo uchoko, ichi chirije kanthu. Kwali iyo ndi mukuru, mupharazgi wakumanya kuyowoya, panji munthu waka uyo ntha wakumanya ma ABC ghake, ichi chirije kanthu. Ichi chikutorera uthenga uwo iyo wakupereka, kwali uwu ngwakukhuŵirizgika na Mazgu gha Chiuta, panji, kasi uwu ngwakukhuŵirizgika na kapulikiskiro ka zero za m’mutu za ukhuŵirizgi wa munthu?

44 Wanthu wanyake wangamanya kukhuwirizgika chifukwa cha mupharazgi wakumanya kuyowoya. Icho ntha chikupanga ichi chaunenesko. Nyengo zinyake iwo wakukhuwirizgika chifukwa chakuti munthu wali kusambizgika chomene mwakuti iyo wakumanya kurongosora fundo yake makora. Icho ntha chikung'anamura kuti ichi ntcha Chiuta. Mukuwona?

45 Ndi kwizira mwekha pera mwa ghambura kumara gha Chiuta, Mazgu Ghamuyirayira ghakutumbikika, tingamanya ise kupokera ukhuwirizgi, ndipo uwo ukuperekeka na Mzimu Mutuwa. Mwa chipulikano ise tikupokera ichi.

46 Sono ise tingamanya kughanaghana za Moses, na nyengo yikuru iyi ya umoyo wake. Ndipo ise tanguwazga kunyuma, za kubabika kwake, umo kuti Chiuta wakamupwererera iyo, kweni yikafika nyengo mu umoyo wa Moses kufika uko kukayenera kuwa nyengo ya kusankha. Usange ise tanguwazga makora, ise tikusanga kuti iyo waka wa mwana wa mwana mwanakazi wa Faro, ndipo waka wa muhaliri ku chizumbe, ndipo wakati wa wenge faro wakurondezgako mu Egipto. Ntheura iyo wakamanya kuwona apo iyo wakalawiska palipose, para iyo wakati wakura na wakumanya, ndipo kula kaka wa wazga wara wakagwiranga ntchito mu nkhandu zadongo. Ndipo Moses, apo iyo wakalawiskira mu mawindo gha nyumba yaufumu, pa wazga wene wera awo Faro wakalawiska, kweni ndi mphambano uli yikawapo mu kula wiska.

47 Ine nkhuumba kuti ndiyowoye ghanoghano ilo, mlenji uwu, pa maminiti ghachoko, ndipo nkhuromba Chiuta wa Kuchanya wakhomerere ichi mkati ku mtima uli wose uli muno. Ndi umo imwe mukulawiskira pa chinyake, ndicho chikupanga mphambano.

48 Muneni mukuru, John Sprawl, uyo waka wa wakuphenduzgika na utumiki wa M'bale Bosworth, uyo wanandi wa imwe mukukumbukira virimika vinandi vyajumpha, wa Old Glory Barn. Iyo wakayowoya, zuwa limoza iyo wakanyamuka ulendo, pambere waka wa wandafwe wakutemweka wake wakayendanga nayo na muwoli. Iwo waka wa mu La Salle, Lorraine, France. Ndipo ine nkha wa na mwa wi wa kukawonako ku malo gheneghara. Ndipo murongozgi waka wayendeska iwo mu minda, na kuwawoneskanga iwo vintu vyakupambanapambana. Ndipo iwo wakafika ku chikozgo chinyake cha Fumu Yesu, kupayikika. Ndipo Mr. Sprawl wakayimirira patali, kulawiskanga pa ichi, iyo na muwoli wake, ndipo, mu mitima yawo, wakasuskanga icho wakuwaja kuti waka wa nacho mu malingaliro ghake, panji muwumbi, mphanyiko, para iyo wakati wakuwaja libwe, chinthu chamawonekero ghaheni ntheura kuti chiweko kuti chiyimirire kusuzgika na chitemwa na chitima cha Fumu Yesu, ndipo umo chose chikawajikira na mawonekero ghakudumulika mwaujira.

Ndipo murongozgi wakiza kwa Mr. Sprawl, ndipo iyo wakati, “Bwana, ine nkhusachizga kuti imwe mukususka chikozgo ichi cha Fumu Yesu.”

Ndipo iyo wakati, “ine nkhususka.”

⁴⁹ Ndipo iyo wakati, “ine nkhezizwa chara napachoko, chifukwa wanthu wanandi awo wakulawiska pa ichi, chakudanga, iwo wakususka ichi.”

⁵⁰ Ndipo Mr. Sprawl wakati, “Chifukwa, ine nthā nkhuwona chitima chirichose panji ukhuwirizgi uliwose kufumira pa kulaŵiskanga chinthu chantheura, nthēura ine nkhezizwa chifukwa icho wakuŵaja wakapanga ichi ngati nthēura.”

⁵¹ “Ndipo wakuŵaja . . .” Wakati, “Mr. Sprawl, chikozgo ichi chiri makora waka, ndipo wakuŵaja wakaŵa na chinthu chakwenerera mu malingaliro ghake. Kweni apo pali suzgo, liri na iwe. Ndi umo iwe ukulaŵiskira pa ichi.” Ndipo iyo wakamutora iyo na muwoli wake pa woko, ndipo wakaŵarongozgera iwo kusika ku jotchero pasi nkhanira pa mphinjika iyi tikuyowoya. Ndipo iyo wakati, “Sono, Mr. Sprawl, laŵiska kuchanya sono.” Ndipo para iyo wakati walaŵiska kuchanya, iyo wakati mtima wake ukaŵa ngati ukafwa. Ndi mphambano uli yikaŵapo, kuyimirira kutali kula na kulaŵiska pa ichi mukachitiro *kala*, na kwiza musi na kulaŵiska pa ichi umo ichi chikapangikira kuti tichilaŵiskirenge.

⁵² Ndipo umo ndimo kuti Chiuta waliri. Umo ndimo kuti chipulikano chiliri. Ndi umo iwe ukulaŵiskira pa ichi. Usange iwe ukalaŵiska pa ichi ngati mtundu unyake wa Baibolo lakale, wa chinyake icho chikaŵako mu mazuŵa ghali kujumpha, iwe nthā uzamkusanga kazirwiro keneko ka Baibolo. Iwe ukwenera kuti ugwade pa makongono ghako, na kupulikira marango gha Baibolo ili, na kulaŵiska pa Ichi kwizira mu maso gha Mzimu Mutuŵa.

⁵³ Ine ndifumbenge gulu ili, mlenji uwu. Kasi ndi chiweme uli icho Chiuta wakale wakutichitira ise muhanyauno usange Iyo nthā ndi Chiuta mweneyura? Kasi ndi chiweme uli icho Chiuta, uyo wakamanya kumutora Moses na kuchita minthondwe na iyo yeneiyo wakachita, kasi ndi chiweme uli ichi chitichitirenge ise kuti tiŵazge za Chiuta wantheura usange Iyo nthā ndi Yumoza mweneyura muhanyauno? Kasi uweme ngwakuti uli wa Chiuta uyo wakamanya kuŵathaska ku ng’anjo ya moto, ŵana ŵa Chihebere, usange Iyo nthā ndi Chiuta mweneyura muhanyauno? Kasi uweme ngwakuti uli wa Chiuta uyo wangamanya kweruzga pakatikati pa uweme na uheni, mu nyengo yiri kuruta, na kulanga kwananga na kutumbika chiweme, usange Iyo nthā ndi Chiuta mweneyura muhanyauno? Kasi ise tikuruta ku tchalitchi kukachita vichi? Ntchifukwa uli ise tikuvileka vinthu vya charu, usange Iyo nthā Chiuta mweneyura wa cheruzgo chenechira, na fundo yenyira yeneiyo

Iyo wakaŵa nyengo zose? Kasi chiweme chiŵenge chivichi na Chiuta uyo wakamanya kukhwaska woko la mwanakazi wa kotcha thupi kukuru, na kulekeska kotcha thupi, usange Iyo nthā ndi Chiuta mweneyura muhanyauno? Kasi chiweme chiŵenge chivichi kutumikira Chiuta uyo wakamanya kuchema mubwezi Wake kufuma ku dindi, wakati wafwa mazuŵa ghanayi, usange Iyo nthā ndi Chiuta mweneyura muhanyauno?

⁵⁴ Mwa chipulikano ise tikugomezga kuti zuŵa linyake lauchindami Iyo wazamkutichema ise kufuma pa charu chapasi, nangauli ise tingazakaŵa vyoto vyakuzura spuni. Kasi ise tikusimikizgira uli ichi? Ise nthā tikusimikizgira ichi. Ise tikugomezga ichi. Ise nthā tikufumbika kuti tisimikizgire chirichose. Ise tikufumbika kuti tigomezga ichi.

⁵⁵ Mwa chipulikano Moses wakachita *chakuti-na-chakuti*. Ndipo apo Moses, ngati mwanarumi mwanichi, wakalaŵiskira mu windo la nyumba yaufumu, pa ŵazga, iyo wakawona gulu lenelira la ŵamathipa, ŵakubinkha, ŵazga ŵakunyamura dongo awo Faro wakawona.

⁵⁶ Ndipo para Faro wakati walaŵiska pa iwo, na ŵa Egupto, iwo nthā ŵakaŵa chinyake kweni gulu la ŵazga. Ichō ndicho chekha iwo ŵakaŵira ŵaweme; kuŵa waka ŵanthu ŵakudyaka dongo, kuti ŵawumbe njerwa za dongo ku phindu la misumba iyo Faro wakazenganga. Umo ndimo ŵa Egupto na Faro ŵakalaŵiskira pa ŵazga.

⁵⁷ Kweni Moses, para iyo wakati walaŵiska pa iwo, uku kukaŵa kulaŵiska kwakulekana uko Moses wakaŵa nako. Para iyo wakati wawona, ŵakujumpha kufupi ku windo, kujimika kukuru ku maso kwawo, masozi agho ghakakhira mu matama ghawo, na mathupi ghawo ghakulandara, iyo wakalaŵiska pa iwo ngati ŵanthu ŵa Chiuta. Iyo nthā wakalaŵiska pa iwo ngati ŵazga. Iyo wakalaŵiska pa iwo ngati ŵanthu ŵakusankhika ŵa Chiuta.

⁵⁸ Ndipo, o, apo ine nkhuendayenda, kufuma ku charu kuruta ku charu, ndipo kufuma ku fuko kuruta ku fuko, kupharazganga! Kufumira apo ine nkhafumirako ku miryango ya kachisi muchoko uyu, agho ndi malo ghakukumaniranapo mipingo ya vyaru vyose, na dango chara kweni chitemwa, na buku chara kweni Baibolo, ndipo na kachitiro ka chigomezgo chara kweni Khristu, ine ndiri kuyezga kulaŵiska pa ŵana ŵa Chiuta, na pa ŵakukanika, ngati ŵanthu ŵakusankhika na ŵakusoreka ŵa Chiuta. Ine nthā nkhuŵafumba iwo usange iwo ŵali mu Branham Tabernacle. Ine nthā nkhuŵafumba iwo usange iwo mba Methodist, panji usange iwo mba Prezibetere, panji usange iwo mba Pentekoste, panji ŵa Nazarene, panji Pilgrim Holiness. Ine nkhuukumba waka kuti ndilaŵiske pa iwo ngati ŵanthu ŵa Chiuta. Ndipo kuwonanga vyakuchitika vyawo na kachitiro kawo, kuti iwo ndi ŵateŵeti ŵa Fumu

Chiuta. Ndipo mtima wane ukukhumba wenenawene na iwo, kwambura kupwerera zina iwo wáli nalo. Ine nkukhumba waka wenenawene wawo. Ine nkhuwatemwa iwo chifukwa ine nkhumanya iwo ndi wanthu wa Chiuta.

⁵⁹ Para ine nkhuwona mwanakazi wakukhira na msewu, na siketi yitali, ndipo sisi lake laskakulikira makora kunyuma, ndipo—ndipo wavwara diresi lakuwoneka makora; ndipo ine nkhuwona dona munyake mwanichi, panji msinkhu wakuyana, wavwara kabunthu muchoko; iyo panji wangaŵa, mu mawonekero, wakutowa kaŵiri kuruska mwanakazi uyo wali na sisi litali, kwakulingana na kalaŵiskiro ka ku charu, kweni ine nditorenge chigaŵa chane na msungwana yura uyo wavwara ngati Mukhristu. Nangauli iwo wángamusekanga iyo, na kumuchemanga iyo wakunyanyira, kweni, ine nditorenge chigaŵa chane. Iyo panji nthu wangaŵa wakutowa ngati msungwana munyake, mawonekero, kweni iyo wakuwona chinyake. Mwa chipulikano iyo wakumuwona Iyo Uyo ndi wambura kuwoneka, Uyo wangurongozga umoyo wake.

⁶⁰ Para ine nkhuwona mwanarumi pa ntchito, wakuchemeka “dikoni,” panji “mupharazgi,” panji “wakunyanyira,” chifukwa iyo wakukana kukhweŵa, na kumwa moŵa, na kuruta ku madansi, ngati wanyake wose wa iwo, ndipo iyo wakuchemeka “wakunyanyira,” mtima wane ukutemwa iyo. Iyo ndi m’bale wane, kusika mu dongo ili la Egipto, icho chikupangiska mtima withu kunwekera kuti timuhage iyo na kuti, “M’bale, ise ndise wamwenda nthowa na wálando, wa charu ichi, ndipo ine nkukhumba kuti ndiyanjane nawe.”

Moses wakayenera kuti wapange chisankho, kusankha mwa chipulikano.

⁶¹ Kasi ndi wánarumi wálinga wánichi nthena wákadukira pa mwaŵi wakuti wázgoke mwana wa mwana mwanakazi wa Faro! Kasi ndi wánarumi wálinga wánichi nthena wákadukira pa mwaŵi uwo Moses wakaŵa nawo, kuti wakanjoye masangurusko ghose na kunyezimira kwa charu, kuti wázgoke fumu ya Egipto, kuŵa na charu chose pa marundi ghake! “Chinthu chauchindere uli,” icho wánarumi wánichi wa nyenka yake nthena wákaghanaghana, “para Moses wakasankha kuti watore malo ghake pamoza na wákukomwa na wanthu wákusuzgika wa Chiuta.”

⁶² Ntchifukwa uli iyo wakachita ichi? Mwa chipulikano, para iyo wakati wakwezga maso ghake, iyo wakalaŵiska kujumpha kunyezimira kwa charu ichi. Iyo wakalaŵiska kujumpha masangurusko gha kwananga. Ndipo Baibolo likati iyo wakazizipizga kuti wakawonanga Iyo Uyo wakaŵa wambura kuwoneka, mwa chipulikano, ndipo iyo wapakanga chisankho kuti wamutumikire Chiuta yura kwambura kupwerera icho chikachitika.

63 Ichi chiri kusintha chara. Wānandi wā ise tingamanya kuruta ku icho ise tingachema nyumba yiwemiko. Ise tingamanya kunjoya, panyake, wenenawene na masangurusko gha kukhala mu benchi liwemiko. Ise panji tingawā wākutchuka chomene, kumwa na kukhweŵa, na kuvwara na kuchita ngati charu. Kweni kasi suzgo ndi vichi? Imwe mwakwezga maso ghinu, ndipo mwa chipulikano imwe mukumuwona Iyo Uyo ndi wambura kuwoneka, ndipo mwatora kuyima kwinu pamoza na wākukanika na wākuchemeka wātuwā wākuzenthuka wā nyengo iyi. Pakuti mwa chipulikano ise tikumuwona Iyo Uyo ndi wambura kuwoneka, kusankha kusuzgika na kukizigika na kutombozgeka.

64 Ine ningayowoya chara ku wānthu kuti iwo wāsankhe kutombozgeka. Ine nthā nkhuyowoya kuti imwe musankhe kusuzgika. Ichi nthā chiwenge chinthu cha umunthu kuchichita. Kweni usange kusuzgika kwagona mu nthowa ya ntchito, nthoura tiyeni titore ichi umo ichi chikwizira. Ine nthā nkhukhumba kuti iwe uchite chinyake kwa munthu munyake kuti wakunyoze iwe. Ine ningakhumba chara kuti iwe uyowoye vinthu vyakulekana, kuti, “ine ndine a . . . ine ndiri mu mpingo uwo nthā ukugomezga mu *chakuti-na-chakuti*, mu—vya charu,” na vinthu ngati ivyo, kupanga waka wānthu kuti wākunyoze iwe. Iwe ukujitorera ichi pa wamwene. Ine ningayowoya chara kwa iwe kuti ufumeko kuno na kukachita uheni na kuchita chinyake icho chikawā chakunyanyira. Ine ningakhumba chara kuti iwe uchite icho, kuti munyake wayowoye kuti iwe ndiwe wakunyanyira. Iwe ukujitorera icho pa wamwene. Kweni usange ichi chagona mu nthowa ya ntchito yako kwa Chiuta, leka charu chiyowoye icho iwo wākukhumba kuti wāyowoye. Iwe rutirira kukhala umoyo.

Iwe panga chisankho. Mwanarumi waliyose na mwanakazi wakwenera kuti wapange ichi.

65 Uli usange Faro wakachiwonenge icho Moses wakawona? Iyo wakawona kusuzgika kwa wānthu. Iyo wakaumanya mtengo uwo ukayenera kulipirika. Kweni mwa chipulikano iyo wakasankha ichi, kuruska kuwā na masangurusko gha kwananga.

66 Panyake wāngawāpo wāchoko, madona ghachoko ghakhala muno, ngati wānakazi wānichi wākunyezimira. Charu chingakhumba kuti chiyowoye kwa iwe, “Chita *chakuti-na-chakuti*. Iwe ndiwe wakutowa. Thupi lako liri kuwumbika makora chomene. Iwe ukwenera kuti uwoneske icho.”

67 Kweni, mlongosi wane, kwezga muchanya maso ghako ndipo laŵiska kujumpha icho, kwa Iyo uyo wakati, “Ndi ukazuzi ku mwanakazi kuti wawware icho ntcha mwanarumi.”

68 Usange wānthu wānarumi mu chigawā chako, usange wānakazi awo iwe ukuchezga nawo, wākati, “Dumurako sisi

litali ilo. Uwonekenge makora. Ichi chingamanya kuwa *ichi, icho*, panji *chinyake*.” Panji, “Ichi chingakupanga iwe kuwoneka makorako.” Kutegherezga ku icho chara!

⁶⁹ Iwe kwezga muchanya maso ghako, ndipo mwa chipulikano umuwone Iyo uyo wakati, “Sisi la mwanakazi ndi uchindami wake, ndipo iyo nthā wangadumuranga ili.”

⁷⁰ Usange iwo wākuti, “Uwēnge wakutchuka. Iwe utorenge malo ghaweme na ntchito yako, panji na bwana wako, usange iwe ungamwako chakumwa chakutemweka na gulu. Usange iwe ungakhweŵa ndudu ngati wānakazi wānyake wose, iwe utorenge malo ghanandi mu gulu mu uzengezgani wako.”

⁷¹ Mwa chipulikano kwezgani muchanya maso ghinu ndipo laŵiskani kwa Iyo Uyo wakati, “Likazuzgeni thupi ili, ndipo Ine ndiliparanyenge ili.” Mwa chipulikano ise tikugomezga vintu ivyo. Nthā ndi chinyake icho imwe muli kuwona. Ndi chinyake icho imwe mukugomezga. Mwa chipulikano, Moses wakachita.

⁷² Ndipo mu kuyenda uku kwa chipulikano, yikwiza nyengo apo pakwenera kuwa chisankho.

⁷³ Lot wakapanga chisankho chira chachitima icho ise tikupanga. Nyengo zinandi chomene ise tikusankha vya kutikondwereska taŵene. Ise tikusankha vintu ivyo vingawa viweme.

⁷⁴ Nyengo yinyake usange mkangano uchoko wafika mu mpingo, ndipo munyake wangati, “Inya, dikoni panji mliska wali ku chigaŵa ichi.” Kulaŵiska pa icho chara. Laŵiskani pa icho ntchiweme. Fumiskanipo chinthu icho ndipo wose wawiri wachemereni pamoza. Uwo ndi uchiuta.

⁷⁵ Kuliko kusankha. Ndipo ise tikujisankhira taŵene. Ise tikusankha chinyake icho ntchakutichitira uweme taŵene.

⁷⁶ Kweni Moses wakasankha kutombozgeka na kuyuyurika, mwakuti iyo wangamanya kuyenda na wanthu wa Chiuta. Ghanaghanani za ichi sono. Tegherezgani ku ichi. “Wakasankha kutombozgeka kwa wanthu wa Chiuta, ndipo wakatora ichi kuwa chuma chikuru, pakuti iyo wakazizipizga, kumuwonanga Iyo Uyo wakaŵa wambura kuwoneka.”

Sono, Lot, nyengo yimoza, wakayenera kuti wapange chisankho.

⁷⁷ Ndipo ichi panyake chingawako, mlenji uwu, kuti pawenge wanarumi na wanakazi wakhala muno, imwe mupangenge chisankho chinu chaumaliro. Imwe muli muhanyauno icho imwe muli, chifukwa virimika vingapo kunyuma imwe mukasankha kuwa icho imwe muli sono. Ndipo icho imwe mukusankha sono chigamurenge icho imwe muzamkuwa virimika fayivi kufumira muhanyauno. Virimika fayivi kufumira muhanyauno imwe panyake muzamkuwa wamishonare. Virimika fayivi

kufumira muhanyauno imwe panyake muzamkuwa Mukhristu wakumanyikwa.

⁷⁸ Panji, virimika fayivi kufuma muhanyauno iwe panyake uzamkuwa mu gehena, chifukwa iwe ukapanga chigamuro chakwanangika. Virimika fayivi kufuma muhanyauno iwe panji uzamkusukanga vithini vyaunyakasi ku mabala. Virimika fayivi kufuma muhanyauno iwe panji uzamkuwa muzaghali pa msewu.

⁷⁹ Panji, iwe panyake uzamkuwa mwanarumi panji mwanakazi uyo ndi—uyo ndi wakunyadiska ku chigaŵa chinyake, chifukwa cha kusankha Khristu kwako. Virimika fayivi kufuma muhanyauno panyake iwe uzamkuwa mu Uchindami, kuruta mu Mkwatulo, chifukwa iwe ukapanga chisankho chako muhanyauno.

⁸⁰ Kweni iwe ukwenera kuti usankhe. Ndipo nthu ungalawiskanga pa icho iwe ukuwona. Sankha icho iwe ukuwona mwa chipulikano. Icho ndicho chinthu chekha pera icho chizirwenge, ndi icho iwe ukusankha mwa chipulikano.

⁸¹ Lot, umo iyo wakayenera kuti wapange chisankho. Abraham wakamupa Lot chisankho chake.

⁸² Ndipo Chiuta wakukupa iwe chisankho chako. “Sankhani imwe mu dazi ili uyo imwe mutumikirenge.” Mu munda wa Edeni mukaŵa khuni la—la kumanyiska, na Khuni la Umoyo. Munthu wakapika mwaŵi wakuti wasankhe limoza ilo iyo wakakhumba. Ndipo nthura ndimo kuliri muhanyauno. Imwe mukupika mwaŵi winu, ngati wanthu wakusankha kwambura kuchichizgika, kuti musankhe chirichose imwe mukukhumba kusankha.

⁸³ Njirikizgo yane kwa imwe, njakuti, nthu mungalawiskanga pa vinthu vyasono vyamuzingirizgani imwe, na kuchuka na kunyezimira uko imwe mungamanya kuwa. Kweni sankhani, mphanyiko, mwa chipulikano, Iyo mweneuyo wakapereka phangano lakuti zuwa linyake Iyo wazamkwiza na kunozga vyakwanangika vyose, ndipo wazamkumupani imwe Umoyo Wamuyirayira, na kumuwuskani imwe. Paliye kanthu usange imwe mwatora nthowa pamoza na wakuyuyurika wachoko wa Fumu, pangani chisankho icho. Usange muli masuzgo mu woko, usange muli masuzgo mu charu, usange muli masuzgo mu mpingo, usange muli masuzgo mu nyumba, paliye kanthu kwali ichi chirinkhu, pangani chisankho chinu, “Mwa chipulikano, ine ndimutumikirenge Chiuta. Ine ndijikhizgenge mtima wane mu Kuwapo Kwake. Ine nditorenge nthowa pamoza na wana wa Chiuta. Ine nkhuwawona iwo wakuyuyurika na wakukanika, na kuzikizgika na kunyozeka, kweni ine nditorenge ndithu malo ghane gha ntchito. Ine ndikhalirenge nkhanira kufupi. Ndipo para iwo wakulira, ine ndilirenge pamoza na iwo. Ndipo para

kuli chitima, ine ndichitenge chitima pamoza na iwo. Umo iwo wákukhalira umoyo, ine ndikhalenge.”

⁸⁴ Umo Naomi wakayowoyera... Panji, Ruth wakayowoya kwa Naomi, “Nthowa zinu ziwenge nthowa zane. Nthowa zane ziwenge nthowa zinu. Uko imwe mwamkukhala, ine ndamkukhala. Uko imwe mukuruta, ine ndirutenge. Chiuta uyo imwe mwamkutumikira wamkuwa Chiuta wane.” Tora chisankho icho, nangauli ichi chikusupura chikumba chenechira pa njuwi yako, ya kughanaghananga kuti iwe ndiwe munyake. Jikhizge wamwene ndipo tora nthowa yako pamoza na wachoko wakuyuyurika wa Fumu, ndipo khala wakupulikira pa malo ghantchito gha uteweti na pa malo gha ntchito.

⁸⁵ Lot wakalawiska mwakuzungulira. Iyo wakati, “Ine ndiri nacho chisankho.” Ndipo iyo wakalawiska ku Sodom. Iyo wakawona malo ghaweme ghakubiriwira na uteka ghaka wa ghaweme kuruska agho Abraham wakawona, na uko Abraham waka wa. Iyo wakawona myawi yakuti wamkuliska ng’ombe zake, kuti waka wa na zakututu wa na ng’ombe ziweme.

⁸⁶ Ine nkugomezga ine nthwa nkupweteka malingaliro gha munyake waliyose. Kweni uko kwakhala kuyima kwa wapharazgi wanandi chomene, kulekerera pa Ivangeli, kughanaghananga kuti iwo wakusanga ndalama zinandi kufuma ku ichi. [M’bale Branham wakukuwa mawoko ghake katatu—Munozgi.] Tikiti wakusangira uryero! Ine ntchiweme ndikhale mu charu chambura kupambika, ndirye, ndimwe kufuma ku mronga, na kurya vitumbuwa, kuruska kulekerera pa kukhuzika kwa chipulikano chane mu Mazgu gha Chiuta wamoyo. Ine nditorenge nthowa yane.

⁸⁷ Wanyake wa iwo wakati, “Billy, kasi chachitika ndi vichi na ungano wako, pakuti kuli wa Pentekoste wanandi chomene pa uwu.” Mupharazgi mukuru wa bungwe wakayowoya icho.

Ine nkhati, “Kasi bungwe lako liripirirenge ungano wane?”

⁸⁸ Ntha kale chomene, mu *Look* magazini, ine nkugomezga, muka wa nkhani. Ndipo mlembi wakayowoya mula, wakayowoya za wanthu wa Pentekoste. Iyo wakati, “Mpingo wa Pentekoste ndi mpingo wakukura mwaluwiro chomene mu charu muhanyauno.” Chifukwa? Ndi chifukwa chakuti wanarumi na wanakazi wali kukwezga maso ghawo ndipo wakalawiska patali chomene.

⁸⁹ Ndipo mlembi wakarumbaso wanthu wa Pentekoste. O, nkhumanya, iyo wakati, “Paka wa wanyake wa iwo awo wakachita mwakunyanyira, na vinyake ntheura. Kweni, wa Methodist wakusopa kachitiro kachigomezgo. Iwo wakumusopa Chiuta mwa kachitiro kachigomezgo. Wa Baptist wakuchita chimozimozi, na wa Prezibetere. Kweni wa Pentekoste wakusopa mwa Baibolo lake.”

⁹⁰ Mwa chipulikano ise tikuliwona phangano. Ine nditorenge chisankho chane pamoza na iwo, palije kanthu kwali iwo wákuyuyurika chomene uli, ine ndine ndithu yumoza wa iwo. Nangauli iwo wánganyozeka, na kuwa na vyawo vyakukwera-na-kukhira, umo Israel wakachitira, ine ndikhumbenge chara kuyima na muprofeti mutesi pa mphepete pa phiri, Balaam, na kuyezga kutemba icho Chiuta wali kutumbika. Chifukwa, mu msasa ula muli Jarawe lakutimbika, na Sembe yakusulura ndopa, na Laŵi la Moto. Palije kanthu kwali iwo wáli mu chivichi, ichi chikuwárongozgera iwo ku kutonda, ndipo iwo wákwenera kuti wáfike ku ichi, chifukwa iwo ndi wánthu waphangano awo wákwenenda mwa chipulikano. Nangauli iwo wángawá bungwe chara, iwo wákawá wákuyendayenda, ndipo ntheura ndimo wáliri wánthu wa Chiuta. Kweni ine nkhukhumba kuti nditore nthowa yane pamoza na iwo, kulumikizana nawo mu maudindo ghawo; nthu mu bungwe lawo, kweni mu wenenawene wawo mu malamuro gha Mzimu Wamuyirayira wa Chiuta, wenuwo, mwa chipulikano ine ndiri kupokera ubapatizo wa Mzimu Mutuwa. Chiuta mundivwire ine kuti nyengo zose ndi wenge na kachitiro ako.

⁹¹ Wonani. Apo iwo wákarutirira kuyenda, ise tikusanga kuti Lot wakawona myawi ya a—ng’ombe zakututuwa. Wánandi wákuwona myawi ya chikwama cha ndalama zinandi. Wánandi wákuwona myawi ya kuyima kuweme mu gulu. Iyo wakawona kuchitika kwa kusanga madola ghakusazgikirako pachoko. Iyo wakawona kuchitika kwa kuwa mlara wa msumba. Pakuwa mlendo, ndipo mwanarumi wakusambira wakuwoneka makora, umo iyo wakaŵira, “Panyake ine ndi wenge munthu mulara wa msumba.” Iyo wakawona kuchitika pakuti ivi vikaŵa kunthazi kwake. Kweni iyo nthu wakawuwona moto uwo ukati uparanyenge charu. Iyo nthu wakajiphemaniskira iyomwene, kuti charu chikaŵa chakuzura na kwananga, ndipo Chiuta wakayenera kuti wachiparanye ichi.

⁹² Ndipo, muhanyauno, wánthu wákuyezga kujiphemaniskira iwo wene pa kuyowoya kuti, “Kasi iwe . . . ?”

Ine ndiyowoyenge, “Kasi iwe ndiwe Mukhristu?”

⁹³ Iwo wákuti, “ine ndine Wachimerica.” Icho chirije chirichose chakuchita na ichi kuyezga kuyowoya kwa chaholi kuti iyo wakaŵa chule. Ichi chirije chakuchita na ichi. [M’bale Branham wakukuwa mawoko ghake kamoza—Munozgi.]

⁹⁴ Iyo wazamkuperanyika, chifukwa Chiuta ndi murunji. Ndipo usange America wakurutirira kukhalanga na zakwananga zake, murunji na wakuyima payekha, Chiuta mutuwa wazamkuwa wakukakamizgika ku—kuwuska Sodom na Gomora na kuphepiska kwa iwo chifukwa cha kuŵawotcha iwo, chifukwa cha kwananga kwawo; usange Iyo wakutizomerezga ise kurutirira kuchitanga ichi.

⁹⁵ Usange Iyo wamuzomerezgeninge imwe kuruta Kuchanya pa milimo yinu yiheni, Iyo wakwenera kuti wazakawuske Anania na Safira na kuwapa iwo mwaŵi unyake. Iyo nadi wakwenera kuchita. Kweni Iyo ndi murunji. Anania wakawona ndalama zake. Petros wakawona Khristu.

⁹⁶ O, mwe! Lot nthā wakawona kuparanyika kwa ŵana ŵake mu malo ghala.

⁹⁷ Ŵanandi ŵa imwe, muhanyauno, mukukoreska ku vigomezgo ivi vyakujiŵikamo na vinthu, imwe nthā mukuwona uchigewenga wa ŵana na kuparanyika kwa ŵana ŵinu. Imwe nthā mukumuwona mwana winu mwanakazi mu nyumba ya muzaghali. Imwe nthā mukumuwona mwana winu mnyamata mu ulowevu, panji pa thebulo lakusewerrerapo makadi kumalo kunyake.

⁹⁸ “Chifukwa uwu uli pa maji ghanandi.” Ndipo kwananga nthā kukukhwaskika. Iyo nthā wakawona muwoli wake, mulara wa vigaŵa vyose, wakazgoka kuŵa bumira la mchere, para iyo wakalaŵiskanga. Iyo nthā wakamuwona iyo wakapurumukira kumphepete kwa jino lake, kuruta ku msumba uchoko kumalo kunyake, kuthaska umoyo wake. Iyo nthā wakachiwona icho, chifukwa iyo wakalaŵiska pa icho iyo wakawona kunthazi kwa iyo pera.

⁹⁹ Kweni, Abraham, iyo nthā wakawona charu cha maji ghanandi, pakuti iyo wakakwezga maso ghake ndipo wakawona machero, pakuti iyo wakaŵa kuti wamkuhara vinthu vyose. Mukhristu mweneko muhanyauno wakukwezga maso ghake ndipo wakuwona phangano la Khristu: “Wakutumbikika ndi ŵakuzika pakuti iwo ŵazamkuhara vinthu vyose. Iwo ŵazamkuhara charu chapasi.” Mukhristu mweneko, mwa chipulikano, wakulaŵiska kuchanya ndipo wakuchiwona icho. Muchemeni iyo icho imwe mukukhumba kumuchema. Iyo wakakwezga muchanya maso ghake. Ndipo para iyo wakati wachita icho, Chiuta wakati, “Abraham, yenda mu charu, ichi chose ntchako.” Mwa chipulikano, Abraham wakachita ichi; chipulikano chenechira icho Moses wakaŵa nacho.

¹⁰⁰ Chikalembeka na wakuchemerera yumoza, uyo wakayowoya ichi. Ine nkhaghanaghana kuti agha ghakaŵa mazgu ghaweme chomene. Kutu Abra-. . . “Moses wakatora chiweme chomene cha charu ndipo wakachiŵika ichi pa sikelo yimoza; na chiheni chomene cha visopo, ndipo wakachiŵika ichi mu sikelo yinyake; ndipo chiheni chomene cha visopo chikaruska chiweme chomene cha charu.”

¹⁰¹ Ntheura ndimo kuliri muhanyauno, kuti usange ise tikuchemeka chirichose ise tikukhumba kuchemeka, “ŵakunyanyira,” panji “ŵachiriski Ŵauzimu,” panji “ŵatuŵa ŵakuzerezeka,” panji chirichose iwo ŵakukhumba kuti ŵaticheme. Chiheni chomene icho ise tiri chiruskenge chiweme

chomene icho charu chingaŵa nacho. Iwo ŵakukhumba kuti ŵachemeke “ŵakachitiro-kakale, munthu wachikale, wakunyanyira.” Ichi chiruskenge chinthu chiweme chomene icho devulu wali nacho chakuti wapereke kwa imwe. Ichi nadi chizamkuchitika.

¹⁰² Moses wakazirwiska nthombozgo za Khristu. Iyo wakamuwonerathu Khristu. Pamanyuma iyo wakayowoya mazgu ghanyake ghakuru ghaukuŵirizgi za Iyo. “Wonani, Yehova Chiuta winu wazamkuwuska muprofeti ngati ine.” Iyo wakamanya. Iyo wakamuwonerathu Iyo, ndipo iyo wakazirwiska nthombozgo Yake kuŵa mausambazi ghakuru kuruska kunyezimira kwa charu.

¹⁰³ Mubwezi Mukhristu, muhanyauno, iwe ungachita chara icho? Ndipo kunyezimira kose na kutchuka kwa charu, mwa chipulikano, ise tikumuwona Iyo uyo wakalayizga. Ndipo uheni chomene wa mpingo muhanyauno, mu kaŵiro kake kose, kweni Uwu uruskenge chinthu chirichose devulu wangamanya kupereka kwa imwe. Usange ise tavikitika, usange ise taphwasulika mu viduswa, usange ise tatimbanizgika na kuphwasulika, mu mabungwe na mukunyanyira, ichi chiruskenge chirichose devulu wangamanya kupereka kwa imwe. Nadi.

¹⁰⁴ Iyo wakazirwiska nthombozgo za Khristu kuŵa mausambazi ghakuru kuruska vyuma vyose vya Egupto. Ntheura iyo wakayenera kuti wachite chinyake. Iyo wakamuleka Egupto. O, ine nkhumitemwa lizgu ilo. Iyo wakamuleka Egupto. Wonani, iyo wakalaŵiskiranga mu windo lenelira, kweni iyo wakalaŵiskanga mwakulekana na Faro. Uli usange Faro wakawuwonenge umaliro wake? Uli usange Faro wakauwonenge mtundu wake ukubira? Moses wakachiwona ichi. Uli? Mwa sayansi? Mwa chipulikano, Moses wakachiwona ichi. Chirichose iyo wakachita chikaŵa mwa chipulikano, chifukwa Chiuta wakamulayizga Abraham, dada wake, kuti Iyo wazamkuŵa—Iyo wazamkuwuyendera mtundu uwu para pajumpha virimika foru handiredi, ndipo wazamkuŵafumiska iwo. Ndipo mwa chipulikano, Moses wakagomezga Mazgu agho Chiuta wakayowoya, ndipo wakamanya iyomwene, ngati mwa chipulikano, kuti wakaŵa murongozgi wakusankhika kuti waŵafumiske iwo. Iyo wakamanya apo iyo wakaŵa. Iyo wakatora malo ghake mu nkhandu za dongo, ngati wakudyaka dongo, ndipo wakatora nthombozgo za Khristu kuŵa mausambazi ghakuru kuruska kukhala pa chizumbe cha Egupto. Iyo wakatora...Iyo ntha wakati, “ine nkhumlengera chitima ichi.” Iyo wakatora malo ghawo ndipo wakaruta na iwo! Uchindami ku...Iyo wakatora malo ghawo. Ise tikaruta na iwo.

¹⁰⁵ Ndicho chifukwa mlembi wakukhuŵirizgika wakati:

Ine nditorenge nthowa pamoza na wachoko
wakuyuyurika wa Fumu.

Ine ndayambako na Yesu, sono ine nkhouruta.
Ine ndiri pa ulendo wane kuruta ku charu cha
Kenani. (Nadi.)

¹⁰⁶ Moses. Chikayowoyeka na yumoza uyo Moses wakaŵa nayo mphanyiko, para iyo wakayenera kuti waŵe mwana wa Faro na kuŵa na kunyezimira kwa charu, iyo wakasankha kuŵa mwana wa Abraham kuruska kuŵa mwana wa Faro. Mwana wa Abraham, wakuyuyurika, kuruska kuŵa mwana wa Faro, fumu.

¹⁰⁷ Ine ningatemwa kuŵa mwana wa Fumu Yesu, na wantchito Wwake wanyake, na kutora malo ghane pamoza na wantu wakukanika wa charu ichi, kuruska kuŵa Prezidenti wa United States mukuru uyu wa America, panji kuŵa Elvis Presley, panji Pat Boone, panji waliyose imwe mukukhumba kulinganizgako ichi. Ine nditorenge nthowa yane.

¹⁰⁸ Madona ghanichi ghakwenera kuti ghatore nthowa yawo. M'malo mwakuŵa a—Mary Pickford, panji munyake mukuru wakumanyikwa pa kanema, msungwana munyake wakunyezimira, tora nthowa yako pamoza na wachoko wakuyuyurika wa Fumu.

¹⁰⁹ Ine ningatemwa kuŵa mupharazgi mu gome, kupharazganga mausambazi ghambura mapendeko gha Khristu, kuruska kuŵa Hollywood wakumanyikwa pa kanema, panji munthu mukuru chomene pa charu chapasi. Usange ine nkayenera kuti ndiryenge pachoko, wakupempeska, panji chirichose ine nkayenera kuchita, ine nditorenge nthowa yane pamoza na wantu wa Fumu. Mwa chipulikano, ine nkuchita icho. Ine ndiri kupika mwaŵi. Kweni, mwa uchizi wa Chiuta, ine ndilawiskenge ndithu mwa chipulikano.

Mwa chipulikano ine nkuchiwona ichi patali;
Ndipo Dada withu wakutilindirira ku nthowa,
Kukatinozgera ise malo ghakukakhalako
Kula.

¹¹⁰ Munthu wa msonkho pa ndalama izo tikusanga wakayowoya, zuŵa linyake, “Ntchifukwa uli iwe ukapereka nyumba yako ku mpingo ula? Kasi ntchivichi chikakupangiska iwe kupereka nyumba ya twente-favi-sauzandi dolazi ku kachisi muchoko muheni yura wamawonekero ghachikale?”

¹¹¹ Ine nkhati, “Ntha ukaŵa mpingo uwo ine nkachitira ichi. Ndi wantu awo wali kula.” Ine ndirije chirichose cha katundu wa charu ichi. Kopala lililose la ndalama ilo ine nkhatara likuwerera ku mpingo uwu. Chifukwa? Chipulikano chane chiri pa Chiuta, ndipo ntha pa vinthu vya charu ichi. Kukhwaskika kwane kuli kuchanya. Ndipo ine nkugomezga kwinu mose kuli nthoura, usange imwe muli makora na Chiuta. Ndi unenesko,

kuti imwe muli. Ise, mwa chipulikano, tikupokera. Ise, mwa chipulikano, tikumugomezga Chiuta.

¹¹² Moses, iyo wakayenera kupanga chisankho. Ndipo ntheura iyo wakayenera kuchita, para wakati wapanga chisankho, iyo wakayenera kurwera chipulikano, pamanyuma, pakuti iyo ntha wakawopa ukali wa fumu. Sono, mu umunthu, iyo wakaŵa na wanangwa kuwopa ukali. Iyo wakaŵa nawo wanangwa kuwopa ukali wa fumu, kweni iyo wakachita chara. Iyo wakachita chara ichi, chifukwa iyo wakaŵa na ntchito yakuti wachite, ndipo iyo wakaŵa mu mzere wa ntchito. Ndipo iyo wakapwerera chara icho fumu yikayowoya za ichi. Iyo wakatora nthowa Yake chimozimozi.

¹¹³ Sono, Faro, nkhumanya, para iyo wakuwona kuti iyo wakathereskeka, iyo wakakhumba kuti wapereke kwa Moses na ŵana. . . Iyo wakati, “Viri makora, ine ndimuphalireninge imwe icho ine ndichitenge. Imwe mose mukhale waka mu charu ndipo rutani mukapereke sembe kwa Chiuta winu.”

¹¹⁴ Umo ndimo devulu wakuchitira. “O, iwe ungamanya kuŵa msopisopi. Kasi iwe ungaruta chara uko na kukajoyina mpingo unyake? Iwe ntha ukwenera kuti uchitenge vinthu vyose ivi.” Mwanarumi wakuowoya kwa muwoli wake. . .

¹¹⁵ Muwoli wakuti, “Mfumu, ine ndaponoskeka. Ndaleka kujipenta, panji kupenta milomo na vinthu. Ndaleka ichi. Ndaleka maphwando. Ndaleka vinthu ivi vya magulu. Ine ndafumamo mu ichi! Ine ndiŵikenge nyengo yane kuŵazganga Mazgu, ndipwererenge nyumba.”

¹¹⁶ “Sono, wona, wakutemweka. Iwe, iwe ungamanya kuŵa msopisopi, viri makora. Sono, wona, iwe—iwe ukuruta kudera *uku*. Iwe uli na mpingo wakwanangika.”

¹¹⁷ Chara, iwe uli chara. Iwe uli mu umoza wakwenerera. Usange iwe uli na mupharazgi uyo wapharazgenge icho kwa iwe, iwe ukwenera kuti ukhale na ichi. Sanda mu Malemba ndipo fufuza usange icho chiri makora.

¹¹⁸ “O,” wakati, “rutani kudera *uku*. Iwo ntha—iwo ntha ŵakwenera kuchita icho kudera uku. Mukuwona? Iwo ntha ŵakuchita ichi kudera kuno.” Umo ndimo. . . “Rutani waka patali ntheura.” Kweni iyo ntha wakukhumba kuti imwe mufumemo mu charu. Umo ndimo devulu wakuchitira. Iyo wakukhumba chara kuti mufumemo mu vinthu vya charu; wakusazga waka vyacharu pamoza na mpingo.

¹¹⁹ Zuŵa linyake, nkakhiranga na msewu, ine nkajura rediyo yane. Ndipo kukaŵa a—sumu, ndipo ine nkharutirira kutegherezga, ndipo ine nkayenera kutora, pafupifupi, sumu kuti yimare, pambere ine nkhaŵa kuti nindayowoye kwali iyi yikaŵa sumu nadi yausopisopi, panji devulu wakuyezga kukhizgira pasi vinthu vya Chiuta ku msinkhu wa charu. Imwe mungachita chara icho! Chiuta mutichitire lusungu!

¹²⁰ Ine nkhopwerera chara kwali Elvis Presley wakulemba ma albamu ghalinga, gha sumu zose ziweme za usopisopi. Iyo ngwakukoreka ndithu na devulu. Iyo wakatuma wana wanandi ku gehena, na vyakuchitika vyose ine nkhumanya, mu charu chose mu nyengo iyi. Pat Boone na wanyake wose wa iwo, iyo wakaŵa wa mpingo wa Khristu; ndipo Elvis Presley, wa Pentekoste; iwo ndi wa Yuda Iskariot, mu kaŵiro ka wanthu wara. Devulu wakuyezga kutora vinthu vyapachanya vya Chiuta, mwakuti iwo wangamanya kuvisakanizga ivi pasi *pano*. Wanthu ntha walaŵiskenge Kuchanya, *Ichi*. Iwo wakulaŵiska waka *apa*, wakuti, “Inya, chose chikuyana waka.” Chikuyana chara. Fumanimo mu charu.

¹²¹ Wakati, “Imwe mungamanya kuruta mazuŵa ghachoko waka. Ndipo imwe rutani, khalani mu charu.” Nadi, iyo wakamanya kuti iwo wamkuwerako. Pamanyuma iyo wakasanga kuti chira ntha chikagwira ntchito, nthaura iyo wakaghanaghana chinyake chakulekana. Iyo wakati, “ine ndimuphalirenenge imwe chakuti imwe muchite. Imwe murute kuwaro kulikose imwe mukukhumba kuruta, kweni imwe muŵaside wawoli ŵinu wose, wana ŵinu wose, na ng’ombe zinu zose, kunyuma *kuno*. Imwe muviside ivi kuno, ndipo imwe murutenge.” Chifukwa, iyo wakamanya iwo wakaŵa na katundu kunyuma kula, uyo wakamanya kuŵakopera iwo kunyuma.

¹²² Ndipo icho ndicho devulu wakuyowoya kwa imwe. Malinga imwe mukusidako waka vinyake vya vinthu ivi vya charu kudemereranga pa imwe, imwe mukukhumba ndithu kukhweŵa, imwe mukukhumba kumwa, imwe mukukhumba kuvwara ngati charu, icho chikuyana waka ngati ndiumo devulu wakukhumbira.

¹²³ Ine nkhopulika vinandi chomene vya kuteremukira kunyuma. Ine ntha nkugomezga kuli kuteremukira kunyuma kunandi umo wanthu wakughanaghanira kuti kuliko. Iwo wakusidako waka katundu munandi chomene mu Egipto kuti waŵanyenge iwo wawerere, mbwenu kwamara. Kuteremukira kunyuma ntha ndi ivyo iwo wakuyowoya ichi chiri. Imwe mukusidako vinandi chomene vya charu kunyuma kula, ivyo vikumunyangani imwe.

¹²⁴ M’bale, ine nkhekuphalira iwe, para Israel wakati wanozgeka, pakati pa usiku, iwo wakaŵa na chirichose iwo wakaŵa nacho mu charu ichi, wakapakira ndipo wakanozgeka kuruta.

¹²⁵ Chiuta mutitumire ise chisisimuso ngati icho. Ise tipakire chirichose, ndipo tinozgeke kuruta. Kuchemerezga kwa pakati pa usiku kukwiza, “Rutani kuti mukakumane na Iyo.” Imwe ntchiweme muŵe na chirichose chakupakirika. Imwe ntchiweme muŵavye chirichose, charu ichi, chimunyengereni imwe

kunyuma, vingwe virivyose vyakumukakirirani imwe pasi. Pakirani. Tiyeni tinozgeke. Ise tikuruta.

126 Ndipo imwe mukumanya kasi? Ine nkhumuphalirani imwe, iwo wakaŵa wāneneska chomene kwa Chiuta, mpaka Faro wakakondwera chomene pakati pa usiku, iyo wakati, “Fumani! Fumani, ndipo rutaninge. Torani chirichose imwe muli nacho, ndipo rutaninge!”

127 Ine ndiri wakukondwa chomene kuti munthu wangamanya kukhala kufupi chomene na Chiuta, mpaka devulu wakumanya chara chakuti wachite na iyo. Uwo mbunenesko. Fumani! Rutaninge! Pulikirani Chiuta!

128 Mwa chipulikano, iyo wakawona phangano. Wākudyaka dongo, panji nthā wakudyaka dongo, iyo wakatora nthowa yake pamoza na wachoko wakuyuyurika wā Fumu. Faro wakati, “Torani vyose imwe muli navyo ndipo fumaniko kuno! Ine nkhumanya chara chakuti ndichite na imwe.” Iyo wakaŵa muneneska chomene kwa Chiuta, mwa chipulikano.

129 Chipulikano chipangenge minthondwe, usange imwe mukhalenge wāneneska kwa Chiuta. Mwa chipulikano, ise tikumuwona Iyo.

Nyengo yithu yamara; tajumphizga nyengo.

130 Kweni, mwa chipulikano, mlenji uwu, kwezgani muchanya maso ghinu. Nthā mungalaŵiskanga ivyo vyamuzingirizgani imwe, charu chasono ichi, kweni laŵiskani ndipo muwoneni Iyo Uyo wakapereka phangano. Baibolo likati, “Ise nthā tikuwona vinthu vyose makoraghene sono, kweni ise tikumuwona Yesu.” Imwe laŵiskani kwa Iyo, mlenji uwu, ndipo nthowa zinu zisinthenge.

131 Apo ise tikusindamiska mitu yithu, kanyengo waka, ku lizgu la lurombo. Nkhuromba Fumu yisazgireko vitumbiko Vyake ku Uthenga.

132 Ghanaghanani mu mtima winu sono. Kasi imwe mwakhala mukulaŵiska pa vinthu vya charu? Mwa chipulikano, kasi imwe mukumuwona Yesu? Kasi imwe mukulaŵiska pa kutchuka kwinu, mpingo winu? Kasi kuyima kwinu kwachigulu kuli uli na charu? Panji, kasi imwe mukumuwona Yesu Uyo, mwa chitima, wakajiŵika Iyomwene ku woko lamaryero la Chikurukuru Kuchanya, Uyo wakasuzgika ngati wakufwira chigomezgo, murunji kufwira wāheni? Kasi imwe mungakwezga chara maso ghinu na kuwona Khuni lira la Umoyo patali? Ntheura, lisideni khuni ili la sayansi na lakumanyiska, ndipo mutumikireni Iyo.

133 Kasi imwe mukukhumba kuti mukumbukirike mu lurombo pambere ine nindarombe? Kwezga woko lako, pa chakupempha chirichose icho iwe panji ukuchisoŵa. Chiuta wakutumbike iwe. Iyo wakumuwonani mose woko linu.

¹³⁴ Usange ndiwe wakwananga, kwezga muchanya maso ghako ndipo laŵiska sono. Usange iwe wakhala wakutimbanizgika, usange iwe uli kuŵapo na mikangano yichokoyichoko na vinthu vichokovichoko, kasi ichi chikupanga mphambano uli? Iwe uzamkufwa limoza la mazuŵa agha. Zuŵa ndi? Panyake muhanyauno! Iwe nthu ukumanya. Ora kufuma sono, iwe panji ungamanya kuŵa mu gehena, panji iwe ungamanya kuŵa Kuchanya. Kweni iwe ukwenera kuti usankhe sono. Usange chirimo chinyake mu umoyo wako ichi nthu chiri makora, iwe usankhe sono, mwa chipulikano.

¹³⁵ Imwe mukuti, “Inya, usange ine ningamuwezgera waka uheni uwu mwanakazi! Usange ine ningamuwezgera waka uheni uwu mwanarumi!” Paliye kanthu kwali iwo ŵachita vichi, sankha Umoyo. Sankha Umoyo.

¹³⁶ Pakuti, Yesu wakati, “Usange kufuma mu mtima wako iwe ukumugowokera chara munthu waliyose kwananga kwawo, nesi Dada wako wa Kuchanya wakukugowokera iwe.” Ntheura khala waka kufupi mwantheura. Usange muli lingaliro limoza mu mtima wako kwimikana na munthu munyake, wakwananga panji mutuŵa, iwe uli mu ngozi ya gehena wa moto.

¹³⁷ Sono kwezga muchanya jiso lako. Kasi iwe ukuwona vichi, murwani wako? Panji, kasi iwe ukuwona Muponoski wako? Kasi iwe ukulaŵiska pa vichi mlenji uwu?

¹³⁸ Usange iwe warwara, ndipo dokotala wako wakuti iwe ungachira chara, kwezga muchanya jiso lako, ku mphinjika, uko Iyo wakavulazika chifukwa cha zakwananga zithu, na vitimbo Vyake ise tikachizgika. Ntha ungalaŵiskanga pa icho dokotala wakuyowoya; iyo wakugwiriska ntchito mwa sayansi. Chipulikano chikugwira ntchito mu chigaŵa cha Mzimu na Chiuta. Tiyeni ise tighanaghane za vinthu ivi sono apo imwe mwakwezga mawoko ghinu. Chiuta wakughawona agho.

Tiyeni ise tirombe.

¹³⁹ O Chiuta Wamuyirayira, mu kachetechete wa kusopa uku sono, pamanyuma pakuti Uthenga wapharazgika, mungazomerezganga chara njere zira za Mazgu Ghinu, Fumu, ziwe pa dongo lamalibwe. Mungazomerezganga chara Uthenga, Fumu, uwe mu mikolankhanga, minga, uko vyakuchitika vya umoyo uwu (ngati Lot) vingamanya kuwufyorongaliska uwu, pa umaliro, vizgoke vyakutayika. Kweni, O Chiuta wakutumbikika, zomerezgani uwu uwe pa liweme, dongo lanthaka, pa mitima yakurapa. Ndipo pa wane, naposo, Fumu, mwakuti ise tose tingamanya kulaŵiskira mu galasi lakulaŵiskira la Chiuta, na kuwona Mpingo wakukanika wa Fumu Yesu, ŵanthu ŵakukanika, nthowa yakukanika, ndipo nkhuromba ise tiyende mu nthowa iyi yauchindami.

¹⁴⁰ Ngati Moses, iyo nthu wakamanya uko iyo wakarutanga. Ŵanthu nthu wakamanya uko iwo wakarutanga. Iwo nthu

ŵakamanya nthowa uko iwo ŵakarutanga. Iwo ŵakayambako waka.

¹⁴¹ Ndipo, O Fumu Chiuta, apo sumu yakutowa iyi yikwimbika, mwa chipulikano ise tikumanya kuchiwona Charu chira patali. Zomerezgani ichi chiŵeko waka sono, mwakuti ŵanarumi na ŵanakazi mwenemuno nthā ŵaghanaghanenge za icho charu chiyowoyenge, panji umo iwo ŵakuyendera. Nkhuromba iwo ŵanyamuke waka mu mzimu wawo, na kuruta.

¹⁴² Moses wakarondezga Kuŵara, ndipo Uku kukamurongozgera iyo ku charu chaphangano. Kwambura kumanya uko iyo wakarutanga, kweni iyo wakayenda waka mu Kuŵara, kuruta ku charu chira icho chikaŵa chiweme kuruska muhanya.

¹⁴³ Perekani, Fumu, muhanyauno, mwakuti ŵanandi muno ŵayende mu Kuŵara kwa Lembā na mu wenenawene wa Mzimu Mutuŵa, ndipo na Mpingo; Mpingo, Wakudanga-kubabika, ŵabonda ŵakubabikaso awo ŵapokera Khristu, ndipo ŵazuzgika na Mzimu Mutuŵa, ŵakurongozgeka na Mzimu. Nkhuromba ise tiyende mu wenenawene uwu, pamoza, pa malanguro gha Chiuta, kumutumikiranga Iyo mu ubapatizo, na kupulikira ku nyifwa Yake, kusungika, na chiwuka. Nkhuromba ise timutumikire Iyo mu kulangura Kwake, “Mukalindirire imwe mu Yerusalemu mpaka imwe mukavwarikike na Nkhongono yakufuma Kuchanya.” Nkhuromba ise timutumikire Iyo mu machirisko Ghauzimu, kuromberanga ŵarwari. Nkhuromba ise timutumikire Iyo mu monesko, kumenyanga chingwa, na mtima umoza, wenenawene pa Mazgu gha Chiuta. Nkhuromba ise timutumikire Iyo mu malanguro Ghake ghose Ghauzimu, mpaka Charu chifike pa kuwoneka. Perekani ichi, Fumu. Pulikani lurombo lithu, apo ise tikupereka chose ichi kwa Imwe sono, mu Zina la Fumu Yesu.

¹⁴⁴ Sono na mitu yithu yakusindama, mwakachetechete, pachokopachoko, tiyeni tiyimbe waka sumu iyi. Sono uku ndi kusopa. Uthenga wamara. Paŵevye munyake warute. Khalani waka chete. Tiyeni tisope.

¹⁴⁵ Uthenga ndi wakususka. Ghanaghanani sono icho imwe mwachita, icho imwe mukayenera kuchita, icho chikamupangani imwe icho imwe muli muhanyauno. Kasi ntchivichi chikumupangiskani imwe kususkika, muhanyauno, ndi chifukwa chakuti imwe mukachita chinyake mayiro. Kasi ichi machero chizamkuŵa chivichi? Nozgani ichi muhanyauno, ndipo imwe muzamkuŵa ŵakumasuka machero. Mukuwona? Imwe mukwenera kuti mupange chisankho. Kasi imwe mungachita uli ichi? “Mwa chipulikano, ine sono nkhutaya chirichose. Ine sono nkhutaya, ndipo zuŵa linyake ine ndizamkuruta kudera Kula.”

Mu kunowa pachoko pachoko,
Tizamkumana pa lira lakuto- . . .

Sopani waka Fumu mu mzimu winu sono.

Mu kunowa pachoko pachoko,
Tamkumana na Mpingo ula wakuyuyurika.
(Marutiro ghanonono, kweni ise tamkumana
zuŵa linyake.)

Kwa Dada withu wakupereka kuchanya,
Tamkupereka ukaboni withu wa malumbo,
Pa chawanangwa chauchindami cha Chitemwa
Chake,
Na vitumbiko vyakutuŵiska withu . . .

Pamoza na ŵachoko ŵakuyuyurika ŵa Fumu, mwa
chipulikano, ine nkhusankha.

Mu kunowa (mu kunowa) pachoko . . .
(pachoko pachoko)
Tamkumana mumphaka zira zakutowa;
(pachoko pachoko)
Mu kunowa (mu kunowa) pachoko pachoko,
Tamkumana mumphaka zira zakutowa.
Kuli charu icho ndi . . .

Musopeni waka Iyo. Uku ndi kusopa.

. . . chipulikano nkhuwona,

Mwa chipulikano ine nkhuwona chisankho chane.

O, Dada wakulindirira . . .

¹⁴⁶ Ine nkhuŵawona wose ŵa Fumu kudera Kula; M'bale
George, M'bale Seward, wose ŵa ŵatuŵa.

. . . ise malo ghakukhala Kula. (Inya, Fumu!)
Kunowa . . .

¹⁴⁷ Dada wake, Howard, Edward, wose ŵatuŵa ŵakale ŵabwezi
awo ŵakatora Nthowa, kunyuma kula, nyengo yitali kunyuma.

Mu kunowa (Inya, Fumu!) pachoko pachoko
(pachoko pachoko),
Tamkumana mumphaka zira zakutowa.
Tamkwimba pa zira zakuto- . . . (O Chiuta!)
Sumu zakunowa zakutumbika, (Uchindami
kwa Chiuta!)
. . . Ntha tizamkuchitaso chitima,
Ntha mvuchi wa vitumbiko vya Malo ghara
ghakupumulapo.

Mu kunowa, kunowa pachoko na . . . (pachoko
pachoko)
Tamkumana mu mphaka zira zakuto- . . .



MWA CHIPULIKANO, MOSES CTK58-0720M
(By Faith, Moses)

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Sabata mlenji, Julayi 20, 1958, pa Branham Tabernacle mu Jeffersonville, Indiana, U.S.A., ndipo uli kutoreka kufuma ku tepi ya magineti yakujambulika ndipo walembeke kwambura kusinthika mu Chingerezi. Kutanthauzira uku kwa Chitumbuka kukalembeke na kugawika na wa Voice Of God Recordings.

CHITUMBUKA

©2017 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuwikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umu tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org